


KODAK
LICENSED PRODUCT

M

Y

C

KODAK Gray Scale



赤水玄珠

六

武
516
7



明中武
516
卷
7

赤水玄珠第六卷目錄

水腫門

水脹通論

論水氣証治大法

脉經叙諸水形証

羅太無治

許魯齊藥案

仲景治水大法

脹湍門

一名鼓脹

鼓脹說

虫蠱

痞氣門

終

於陰股陰陽不和則使液溢而下流于陰髓液皆減而下下過度則虛勞過度謂房過度也故腰背痛而脛痠陰陽氣道不通四海塞閉三焦不瀉津液不化水穀并行腸胃之中別于迴腸留于下焦不得滲膀胱則下焦脹水溢則為水脹

黃帝問于岐伯曰水與膚脹鼓脹腸覃石瘕何以別之岐伯荅曰水始起也目窠上微腫如新卧起之狀其頸脉動時欬陰股間寒足頸腫腹乃大其水已成矣以手按其腹隨手而起如裹水

之狀此其候也帝曰膚脹何以候之岐伯曰膚脹者寒氣客于皮膚之間擊然不堅腹大身盡腫皮厚按其股胷然而不起腹色不變此其候也鼓脹何如岐伯曰腹脹身皆大與腹脹等也色蒼黃腹筋起此其候也腸覃何如岐伯曰寒氣客于腸外與衛氣相搏氣不得榮因有所繫癖而內著惡氣乃起瘕肉乃生其始生也大如鷄卵稍以益大至其成如懷子之狀久者離歲按之則堅推之則移月事以時下此其候

也石瘕何如岐伯曰石瘕生于胞中寒氣客于
 子門子門閉塞不得通惡血當瀉不瀉血以留
 止日以益大狀如懷子月事不以時下皆生于
 女子可導而下帝曰膚脹鼓脹可刺耶岐伯曰
 先刺其脹之血絡後調其經刺去其血絡也
 石水臍以下腫其脈沉

本事方云臍腹四肢悉腫者為水但腹脹四肢不
 甚腫為蠱蠱即鼓脹也

綱目云水脹皆本于房勞過度

○水腫出素問水熱穴論

黃帝問曰少陰何以主腎腎何以主水岐伯對曰
 腎者至陰也至陰者盛水也肺者太陰也少陰
 者冬脈也故其本在腎其末在肺皆積水也帝
 曰腎何以能聚水而生病岐伯曰腎者胃之關
 也關門不利故聚水而從其類也上下溢于皮
 膚故為胕腫胕腫者聚水而生病也帝曰諸水
 皆生于腎乎岐伯曰腎者牝臟也地氣上者屬
 于腎而生水液也故曰至陰勇而勞甚腎汗出

腎汗出逢于風內不得入于臟腑外不得越于皮膚客于玄府行於皮裏傳為附腫本之于腎名曰風水所謂玄府汗孔也帝曰水俞五十七處者是何主也岐伯曰腎俞五十七穴積陰之所聚也水所從出入也尻上五行行五者此腎俞故水病下為臌腫大腹上為喘呼不得卧者標本俱病故肺為喘呼腎為水腫肺為逆不得卧分為相輸俱受者水氣之所留也肺期之標分為相輸相應之病而俱受者伏菟上各二行緣此二臟乃水氣之所留故也

行五者此腎之街也三陰之所交結于脚也踝上各一行行六者此腎脉之下行也名曰太衝凡五十七穴者皆臟之陰絡水之所客也

尻上五行行五

- | | | | |
|-------|------|-----|------|
| 脊中一 | 懸樞一 | 命門一 | 腰俞一 |
| 長強一 | 大腸俞一 | 小腸俞 | 膀胱俞二 |
| 中膂內俞 | 白環俞二 | 胃倉二 | 盲門二 |
| 志室二 | 胞盲二 | 秩邊二 | |
| 伏菟上各二 | 行行五 | | |

赤火不朱

六卷

五

中注二 四滿二 氣穴二 大赫二 骨橫二

外陵二 大巨二 水道二 歸來二 氣街二

踝上各一行行六

太衝二 復溜二 陰穀二 照海二

交信二 築賓二

甲乙經云身腫關門主之 水腫脹皮腫三里注

風水膝腫巨虛上廉注風水面附腫顏黑 鮮溪主之

風水面附腫衡陽主之水中雷飲胸脇支滿刺

陷谷出血立已面附腫上星主之 先取譙謹後取天牖風池

水腫人中盡滿唇反者死水溝主之 水腫大

臍平灸臍中無理不治

內經曰三陰結謂之水王註云謂脾肺之脉俱寒

結也 又曰下焦溢而為水王註曰下焦為分

注之所氣窒不瀉則溢而為水

黃帝問曰有病腎風者面附龐然壅塞于言可刺

否岐伯曰虛不當刺不當刺而刺後五日其氣

必至帝曰其至何如岐伯曰至必少氣時熱時

熱從胸背上至頭汗出手熱口乾苦渴小便黃

目下腫難以行其事不來煩而不能食不能正
偃正偃則咳病名曰風水論在刺法中帝曰願
聞其說岐伯曰邪之所湊其氣必虛陰虛者陽
必湊之故少氣時熱而汗出也小便黃者少腹
中有熱也不能正偃者胃中不和也正偃則欬
甚上迫肺也諸有水氣者微腫先見于目下也
曰何以言之岐伯曰水者陰也目者亦陰也腹
者至陰之所居故水在腹者必使目下腫也真
氣上逆故口苦舌乾卧不得正偃正偃則咳出

清水也諸水病者不得卧卧則驚則咳甚也
腹中鳴者病本于胃也薄脾則煩不能食不
能下者胃脘隔也身重難以行者胃脉在足也
月事不來者胞脉閉也胞脉者屬心而絡于胞
中今氣上迫肺心氣不得下通故月事不來也
針經曰肢脛者人之管以趨翔也莖垂者身中之
機陰精之候津液之道也故飲食不節喜怒不
時津液內溢乃下流于臍血道不通日大不休
俛仰不便趨不能此榮然有水上下下也

劉宗厚曰按內經諸水氣皆諸臟本病也針經所
引則又主飲食及七情等因皆致之可見病机
之微矣但有濕腫氣腫初亦頗相似然以手按
之成凹不即起者濕也濕與水有微甚之意况
有氣腫及諸水形証不同要在臨症詳審也
水腫有陽水陰水之分若脉來沉伏面色青白不
煩渴小便澀而清大便溏泄為陰水治宜實脾
脉來沉數面色赤黃或煩渴小便赤而難大便
秘治宜疎氣瀉滌

論水氣証治大法

內經曰不從毫毛病生于內者陰氣內盛陽氣竭
絕不得入于腹中故言五臟陽以竭也津液者
水也充郭皮中陰蓄于內水氣脹滿上攻于肺
肺氣孤危魄者肺神腎為水害子不救母故云
其魄獨居也夫陰精損削于內陽氣耗滅于外
則三焦閉溢水道不通水滿皮膚身體否腫故
云形不可與衣相保也凡此之類皆四肢脉數
急而內鼓動于肺中也肺動者謂氣急而效也

如是者皆水氣格拒于腹膜之內浮腫施張于
身形之外欲窮標本其可得乎乎治權衡謂察
脉浮沉也脉浮為在表脉沉為在裡在裏者泄
之在表者汗之故云開鬼門潔淨府也去宛陳
莖謂去積久之水物猶如草莖之不可留于身
劉宗厚曰按經論水氣証治至為机密故云開鬼
門潔淨府然鬼門者猶幽玄之謂有毛竅而不
見其開闔邪氣感入邪與正相搏毛竅閉塞而
寒熱作為病客于表故宜發汗遣邪氣以開鬼

門也此亦發汗之別稱泄諸病在表之通例也
淨府者謂膀胱內無入孔而外有出竅為清淨
津液之府憑腎氣截氣化水穀之精而滲入脬
中氣約成溺出也未腎主下焦司闔開竅二
陰肺脾之氣通調水道下輸膀胱氣化水行而
自清淨否則便澁或濁或淋為水氣溢于腠理
為膚腫諸病若宛屈陳莖壅滯于身中當泄去
是物而索淨宜此二法在表者汗之在裏者泄
之權衡于治也雖然經云水病本之于肺腎二

經而古今方論並不以治水獨瀉腎氣為說者
何蓋腎陰奉行降令為生化之源而常不足至
陰精損削于內生氣不能運化至為附腫其氣
索矣况肺弱而母氣孤危者乎故東垣曰若治
以甘淡滲泄陽蒸獨陽無陰其欲化淨乎此探
擷已上治例之妙也如積飲雷飲傷脾若土之
干雨中則為泥矣或因七情所致手足大陰俱
病身浮腫似水氣用燥脾導氣之劑即愈一則
若堤土之得和風暖日水濕去而陽化自然萬

物生長一則肺氣開泄滲道通利水氣不滯于
脾矣此正諸濕腫滿皆屬脾土諸氣臃鬱皆屬
于肺而與陰陽為病水氣机之不同故亦不待
開鬼門潔淨府而已也

原病式謂水腫為濕熱實其故治以辛苦寒藥蓋
以辛散結而苦燥濕以寒除熱而隨其利濕去
結散熱退氣和而愈而謂脾虛不能制水非說
丹溪以水腫由脾虛不能制水故水漬妄行當以
參朮補脾使脾健則自能轉運而水自行但宜

補中行濕利小便為上

劉宗厚曰按劉河間以水腫為濕熱謂在表有熱宜汗謂在裡有熱宜下治法宜開鬼門潔淨府蓋言有餘之証然也丹溪以脾虛不能制水治當補中行濕利小便蓋言不足之証然也若夫滋腎制火之說愚切以為未當蓋補腎之藥乃陰滯柔潤適以滋濕耳豈理也哉今治此証但脾虛受濕為不足所致者宜燥脾土兼利小便若非氣鬱飲食濕熱所致者禁不得妄下証雖

可下又當權其輕重不可過用芫花木戟甘遂
猛峻之劑暫時快利水氣復來而無以治之也
少壯充實脈洪大有力者當瀉去其水年老虛
人得此惟當補中行濕為先設或元氣下陷者
即又當升提之

古方十種証候以短氣不得卧為心水兩脇疼痛
為肝水大便鴨溏為肺水四肢苦重為脾水腰
痛足冷為腎水口苦咽乾為膽水乍虛乍實為
大腸水腹急肢瘦為膀胱水小便秘澀為胃水

小腹急滿為小腸水以此十水為正水外有風水皮水石水黃汗風水又有風腫氣腫血腫風腫者皮粗麻木不仁走注疼痛氣腫者皮厚四肢瘦削腹脇脹膨至若煩躁漱水迷忘驚狂嘔逆煩悶皮間有紅縷赤痕者此血腫也婦人經脈壅閉敗血停腐尤多見此妊娠亦有氣過水道而虛腫者此但順氣安脾飲食無阻既產而腫自消若產後發虛則虛退而告殂矣

大抵浮腫之脈帶數即是虛寒潛止其間久必沉

伏沉伏則陽虛陰實為水必矣面龐然浮腫

疼痛其色焔黑多汗惡風者屬腎風冷現

諸唇黑則傷脾缺盆平則傷心臍出則傷肝足心

平則傷腎背平則傷肺凡此五傷必不可治

大凡水腫先起于腹而後散于四肢者生先起于

四肢而後入腹者死至若鼓脹而肚上青筋脹

滿而大便滑泄久瘕而轉作虛浮又兼見前五

傷則死矣與夫男從脚上腫而上女從上腫而

下或肉硬或掌心平而無紋皆不治

論生死脉法

水病脉洪大者可治微細者不可治水病脹閉其脉浮大數者生沉細虛小者死水病腹大如鼓脉虛者死實者生

○脉經叙諸水形症原出金匱要畧

病有風水有皮水有正水有石水有黃汗

寸口脉沉滑者中有水氣面目腫大有熱或身體反重而酸或惡風一身悉腫脉浮不渴續自汗出而無大熱者皆為風水風水其脉自浮外

症骨節疼痛惡風

皮水其脉亦浮外証附腫按之沒指不惡風其腹如鼓不渴當發其汗皮水之為病四肢腫水氣在皮膚中四肢聶々動者防已茯苓湯主之

○正水其脉沉遲外証自喘

石水其脉自沉外証腹滿不喘黃汗其脉沉遲身發熱胸滿四肢頭面腫久不愈必致癰膿

心水者其身重而少氣不得卧煩而躁其脉陰

肝水者其腹大不能自轉側脇下腹痛時、津液微生小便續通
肺水者其身腫小便難時、鴨澇
脾水者其腹大四肢苦重津液不生但苦少氣小便難
腎水者其腹大臍腫腰痛不得溺陰下濕如牛鼻上汗其足逆冷面瘦
裏水者一身面目黃腫其脉沉小便不利故令病水也

仲景曰諸水身半以下腫者當利小便身半已上當發汗經云身半以上天氣主之身半以下地氣主之天氣主之者其在皮也故汗而發之問肌肉之外皮膚之裏首至足一身皆腫者當作何治答曰亦宜汗之也與身半以上同法身半以上汗之者尺寸之天地也故汗之肌肉之外皮膚之裏一身盡腫者從天而汗之此表裡之浮沉凡治之法當如是也肺心肝腎中州已上俱宜汗中州以下皆宜汗如小便利而渴不

宜汗不宜下以其重亡津液故也

王海藏曰觀高低內外輕重表裡隨經補瀉要當謹察肺胃腎三經病即瘥也

夫水氣者胃土不能制腎水逆而上行傳入于肝故令人腫治者惟知泄水而不知益胃故多下之強令水出不依天度流轉故胃愈虛食不滋味則發而不能治也莫若行其所無事則為上計不可不知 凡補胃不可使之壅滯如本草叙赤小豆治水腫通氣補脾胃之類是也

羅太無治許魯齋藥案云魯齋年五十八面目肢體浮腫大便溏多腹脹腸鳴時痛飲食減少脉得弦細而緩年少時多服牽牛大黃藥面目四肢時有浮腫今因陰雨故大發予曰營運之氣出自中焦者胃也胃氣弱不能布散水穀之氣營養臟腑經絡皮毛故氣行而瀆為浮腫大便溏多而腹脹腸鳴皆濕氣勝也四時五臟皆以胃氣為本五臟有胃氣則和平而安若胃氣虛弱不能運動滋養五臟則五臟脉不和平本臟

之氣盛者其脉獨見輕則病過甚則病死故經
 曰真臟之脉弦無胃氣則死今幸未至於甚尚
 可調補人知服牽牛大黃為一時之快不知其
 為終身之害也遂以平胃散加白朮茯苓草薢
 菖仁數服而腹脹溇泄腸鳴時痛皆愈飲食進
 止有四肢浮腫以導滯通經湯主之良愈
 導滯通經湯 治脾濕而氣不宣通面自手腫
 陳皮 白朮 柴白皮 木香銛五茯苓一兩
 右每服六七錢水煎食前服霖雨時加

丹溪治水腫多以二陳加白朮人參蒼朮為主佐
 以黃芩麥冬炒梔子制肝木若腹脹少佐以厚
 朴氣不運加木香木通 氣名陷下加升麻
 柴胡提之隨病加減 必須補中行濕二陳治濕
 加升提之藥使大便潤而小便長 產後必
 須以大補血氣為主少佐蒼朮茯苓使水自降
 用大劑白朮補脾若壅滯用半夏陳皮香附監
 之 有熱當清肺金麥門冬黃芩之屬 一方
 用山梔去皮取仁炒梔碎米湯送下一抄若胃

赤火... 卷...

熱病在上者帶皮用 治熱水腫山梔子五錢
木香一錢半白朮二錢半取急流水煎服 水
脹用大戟香薷濃煎汁成膏丸去暑利小便
大戟為末棗肉丸十九泄小便劫實者
綱目述丹溪治水腫得效之法十五條其法大率
以甘州佐白朮參陳芎藭補中氣為君木通滑
石郁李仁海金沙行水為臣厚朴大腹皮蘓梗
通滯氣為佐使如氣不升浮重寒脈沉者探吐
以提之頭面光腫加麻黃微汗之挾積氣者佐

以保和溫中抑青等丸磨之挾熱者佐以黃芩
之類清之挾瘡癰者佐以連翹犀角散之而隨
証加減也

仲景曰寸口脈沉而遲沉則為水遲則為寒寒水
相搏跌陽脈伏水穀不化膽氣衰則驚漉胃氣
衰則身腫少陰脈細男子則小便不利婦人則
經水不通經為血血不利則為水名曰血分
仲景治水大法
風水脈浮身重汗出惡風者防已黃芪湯主之

水腫

防已一兩 黃芪錢一兩二分 白朮七錢五分 甘草錢五

右每服五錢 生姜四片 棗一枚 水煎 溫服 良久再服 腹痛加白芍藥

因濕為腫者 煎湯調下 五苓散 又煎湯治風濕

脉浮為在表 其人或頭汗出 外無表証 惟腰以

下常重而腫難屈伸 腰以上俱和者 並效

風水惡風 一身悉腫 脉浮不渴 自汗出而無實熱

者 越婢湯主之 治裏水加白朮四兩

麻黃去節 石膏半斤 生姜三兩 大棗十二 甘草

兩 右五味以水六升 先煮麻黃 沫去上沫 入諸

藥 煮取三升 分溫三服 惡風者加木附子

一枚 炮 古今錄驗 治風水加木四兩

皮水為病 四肢腫 水氣在皮膚中 四肢聶動 脊

防已加茯苓湯主之 防已 黃芪 桂枝 朮 茯苓 六兩 甘草 二

兩 右五味水六升 煮取三升 分溫三服

裏水為病 越婢加朮湯主之 又甘草麻黃湯亦主

之 甘草 麻黃 四兩 水五升 先煮麻黃

去渣沫內甘草煮取三升温服一升被覆出
汗汗不出再服慎風寒

水之為病其脉沉小属少陰浮者為風無水虚脹
者為氣水發其汗即已脉沉者宜附子麻黃湯
浮者宜杏子湯

附子麻黃湯

附子一枚炮去皮麻黃去節甘草炙略

水七升先煮麻黃再沸去上沫內諸藥煮取
二升半温服八合日三服

陰陽結邪多陰少陽名曰石水小腹腫石水者謂

冬月水冰如石之時故曰石水也火墓于盛冬

陽氣微故石水而死也腎肝並沉為石水

黃汗之為病身體腫發熱汗出而渴狀如風水汗

沾衣色其黃如藥汁脉自沉問曰從何得之

以汗出入水中浴汗從孔中入得之黃汗者黃芪

芍藥桂枝苦酒湯主之

黃芪五兩芍藥三兩桂枝去浮皮苦酒一升

水七升煮三升温服一升當心煩也至六七

日乃解若心煩不正者以苦酒阻故也

黃汗之為病兩頸自冷假令發熱此屬歷節食已汗出又身常暮臥盜汗出者此榮氣也若汗出已反發熱者久其身必甲錯發熱不正者必生惡瘡若身重汗出已輒輕者久必身瞤即胸中痛有又從腰已上必汗出下無汗腰下弛痛如有物在皮中狀刺者不離食身疼重煩躁小便不利此為黃汗桂枝加黃芪湯主之

桂枝皮去浮 生姜 芍藥各三 甘草炙 二黃芪

右入棗十二枚擘以水八升煮取三升溫服一升須臾飲熱稀粥一升以助藥力被覆取汗不汗更服之

師曰寸口脉遲而溢遲則為寒溢則為虛不足跌陽脉微而遲微則氣遲則為寒寒氣不足則手足厥冷則營衛不利營衛不利則腹滿胸鳴相逐氣轉膀胱營衛俱勞陽氣不通則身冷陰氣不通則骨痛陽前通則惡寒陰前通則痺不仁陰陽相得其氣乃行太氣一轉其氣乃散實則

失氣虛則遺溺名曰氣分氣分心下堅大如盤
如旋杯水飲所作桂枝去芍藥加麻黃附子細
辛湯主之

桂枝去浮生薑 麻黃去節細辛略甘草炙

大棗二枚附子二枚皮切八片

右水七升先煮麻黃去沫內諸藥煮取二升

分溫三服當汗出如虫行皮中愈

心下堅大如盤如旋杯水飲所作枳木湯主之

枳實 白木略三右二味水五升煮取三升分

溫三服腹中硬即當散也

兩目浮腫喘嗽痰涎葶藶大棗瀉肺湯主之

甜葶藶 苦葶藶等分大棗

腰已下有水氣牡蠣澤瀉散

兩脇下有水氣腹中雷鳴生薑瀉心湯

十棗湯

大戟 芫花 甘遂各等

三花神祐丸

十棗湯加 牽牛 大黃 輕粉 水丸服

除濕丹

神祐丸加乳香沒藥

玄青丹

神祐丸加黃連黃栢青黛

已上四方不可輕用必看其有實候乃用之
明理趁痛丸 治水氣浮腫又治脚氣上攻風毒
走注疼痛神效

白芥子性為肥甘 遂性為生 大黃各味
右用白麵一兩半滴水丸作餅子 燻令黃不

可過焦為末醋糊丸梧桐子大冷酒下二
丸不拘時量虛實加減

紫苑散

木香 人參 白朮 紫苑 川芎各二

右粗末生姜烏梅煎服次日又服

調胃白朮澤瀉散

治痰病化為水氣傳為水鼓不能食
白朮 澤瀉 芍藥 陳皮 茯苓 生姜
木香 檳榔各等 一法加白朮本藥各半治

木臍腹上腫如神心下痞者加枳下盛者加黃

胡洽方 治支飲滯飲于十棗湯中加大黃甘草

五兩同煎服之故以相反之劑欲其上下俱去

也 郁李仁破滯氣能下四肢水 大抵去水

藥多泄熱當求脉之虛實下之

消腫散 治水氣喘呼不得卧煩熱燥渴大小便

不利 大黃 蒸山梔 炒甘草 炙乾葛 陳皮

麻黃 川芎 馬牙硝 各等為末蜜湯調下錢

又方 千金子二百五十粒姜三片滾水煎空心

服以利為度

集成尊重丸 治蠱証水腫氣腫喘急小水赤澀

大便秘結一切中滿單腹鼓脹

人參 沉香 丁香 木香 檳榔 車前子

葶藶子 錢四 胡椒 蝎梢 滑石 海金沙

赤茯苓 白豆蔻 錢半 蘿蔔子 錢六 郁李仁 二錢

右為末姜汁糊丸梧桐子大每服三九姜湯

下一日服三次

簡易方 治蠱脹身乾黑瘦多渴煩悶

馬鞭草細剉晒乾勿見火以酒煮味出去渣溫服立効不善酒者水煎亦可六月半時採

元戎神方

烏鷄子一枚去頂取清黃汁調膩粉一大錢令勻內殼中以蒸餅劑裹之蒸熟去殼取熟黃二葶藶等分炒為末與上并黃蒸餅等為丸芎大每服三五丸車前子湯下小便澀不通瞿麥湯下

又攻擊泄下之劑 去菀陳莖之法也

許學士十腫水病并根源証狀方法

- 一青水先從左右肋腫起根在肝 大戟
- 二赤水先從舌根起根在心 葶藶子
- 三黃水從腰腹起根在脾 甘遂炒
- 四白水從脚腫起根在肺 桑白皮
- 五黑水從外腎腫起根在腎 連翹
- 六玄水從面腫起根在外腎 芫荽醋炒
- 七風水從四肢腫起根在骨 澤瀉
- 八石水從腎腫起根在膀胱 藁本

九高水從小腹腫起根在小腸

巴豆去皮油

十氣水或盛或衰起根在腹

赤小豆

右十般腫病各有根源種、不同者十腫病

根除一味倍多餘九味等分逐味依法脩治

焙為細末煉蜜丸如梧子大用赤茯苓湯吞

下三丸不拘時候每日三服忌鹽一百二十

日緣鹽能化水也又忌魚鰕麵食一切毒物

及生冷房室其効用此方獲瘥後更服後來

補藥

補藥方

肉桂皮去粗

乾姜

肉豆蔻

赤茯苓

莪木醋川芎

桔梗各等依法製服一方無

茯苓莪木有青皮白木檳榔俱等分為末

每服三錢百沸湯點服空心食前日午晚各

一服前項二方治水腫病甚効予試用之百

發百中獲濟無數

治腫滿小便不利茯苓散

郁李仁錢四檳榔錢二白木錢一赤茯苓錢一甘遂切炒不

陳皮一錢半右為末每服一錢姜棗湯調下

東巴上三方許學士試效者治水腫無逾此矣

雄黃神金散

雄黃 葶藶粳米炒澤瀉 椒目減半大戟

巴戟 茯苓 芫花醋浸甘遂 桑皮略一

右為末空心用井花水調服每一錢加至五

錢以利為度忌鹽醋生冷油膩之物

從脚腫加葶藶 肚腫加椒目 從陰腫加

澤瀉 面腫加茯苓 從心腫根在肋加雄

黃 從肢腫根在皮加甘遂 從口腫根在

小腸加巴戟 從腰腫根在腎加大戟 從

膝腫根在肝加芫花

三白散 治膀胱蘊熱風濕相乘陰囊腫大二便不利

白丑二兩桑白皮 白木 陳皮 木通各等

為末每服二錢空心姜湯調下小兒減半

秘方 治鼓脹如神氣鼓則放屁水鼓則下水愈

大戟 白商陸 甘遂銘三陳皮錢二大腹皮

檳榔 白木 海帶 海藻各二為末每

用三錢和白麴三兩水拌做一塊分作三小

赤水... 六卷
 塊每塊... 碗口大薄餅一箇共作三箇無油
 鍋內烙熟空心服一餅茶酒送下過口坐卧
 忌風生冷油膩鹽一箇月不能斷軍者不可
 治也此藥試過每用一餅僅行水不瘦人並
 一方用乾鷄屎一升炒黃好酒三碗淬下煮作
 一碗絹濾去渣飲之少頃腹中氣大轉腸鳴從
 大便利下脚膝及蹄上下先皺起漸消至腹
 如一次消不盡再服一劑以田螺二枚滾酒內
 漑熟食之即止後以温粥調養而安

此方治一切水氣濕發腫效

三因消腫丸 治水腫喘滿小便不利

滑石 木通 白木 黑丑炒 茯苓 半夏

陳皮 丁香各五

為末酒糊丸梧子大每五十九丸灯心麥門湯下

葶藶丸 治涌水証如溢囊裏漿或遍身腫滿

按腹不堅疾行則濯有聲或喘欬不定

葶藶炒 澤瀉 椒目 桑白皮 木猪苓

杏仁錢五為末煉蜜丸梧子大每三十九丸

赤水... 六卷

杏白湯下不拘時服以利為度

局方神助散

治十種水氣面目四肢浮腫以手

按之隨手而起效嗽喘急不得安卧小便赤澀

大便不利

黑丑末 澤瀉略一椒目半一兩猪苓二兩葶藶

兩右為末葱白三莖水煎入酒調服三錢

薏苡根散 治水腫

薏苡根君 木香 檳榔 黑丑

右為末酒調服妙

聖惠氣寶丸又名順氣丸治腰脇俱病如抱一甕肌膚

堅硬按之如鼓脚腫不能屈伸自頭至臙中瘦

脊露骨曾膈痞悶四肢無力

木香 茴香炒 羌活 木瓜 川芎 當歸

陳皮炒 檳榔 地骨皮略一大黃半一兩黑丑兩

皂角四兩右為末熬皂角膏為丸梧子大每六

十丸温酒下一方無木瓜生姜灯心湯下

治一切氣血凝滯風毒熾盛脚氣走注作腫

或大便閉脚氣入腹滿悶寒熱往來狀如傷

寒並宜服之

簡易方 治水蠱不問年月深者

大戟 當歸 陳皮 略一

水二升煮七分頓服利二三斗即愈

元戎方 治十種水氣垂死

鯉魚一頭重一斤者和葱白冬瓜羹食之

又治鼓氣方

滑石 輕粉 銛一 槐花半錢

右不犯鉄氣為細末生地黄自然汁生姜自

然汁停滴在藥中為丸梧桐子大一日服三

丸次日服四丸五日以來早晨只一服用生

地黄汁温送下小便中水盡為度得睡後日

服嘉禾散十日未不再發

治陰水腫之劑

五皮散 治風濕客于脾經氣血凝滯以致面目

俱浮四肢腫滿心腹膨脹上氣喘促

五加皮 地骨皮 生姜皮 大腹皮

茯苓皮 水煎熱服 一方加牽牛

澹寮方無地骨皮五加皮加陳皮桑白皮
白木木香散治腫滿喘嗽欲變成水病者不能
食不臥小便秘

白木 猪苓 甘草 澤瀉 赤茯苓 五

木香 栝榔 錢橘紅 二官桂 錢滑石 三兩

右每服一兩半生姜三片水煎溫服

按萃聖靈丹治脾肺有溫喘滿風盛小便赤澀

苦葶藶 炒四 防已 二錢 赤茯苓 麵炒 木香

栝榔 木通 人參 各五分 錢

為末以棗肉丸梧子大每服五十九丸

續隨子丸治通身虛腫喘悶不快

人參 防已 赤茯苓 麵炒 續隨子 木香

栝榔 海金沙 另炒 各 苦葶藶 四兩

右為末棗肉丸梧子大每五十九丸桑皮湯下

退腫搨氣散治積水驚水或飲水過多停積于

脾故四肢腫身熱用藥惟內消其腫自退

赤豆 陳皮 蘿蔔子 甘草 各 錢 木香 半 錢

每服一兩半生姜三片棗一枚水煎食前服

復元丹 治水腫皮膚盈溢心腹堅脹喘急不得
 正偃正偃則咳嗽腿腹冷口苦舌乾小便不利
 夢中虛驚不得安卧
 附子炮木香煨 茴香炒 川椒炒去汗 獨活 厚朴
 白木炒 吳茱萸炒 桂心酪 一澤瀉半 肉果煨
 檳榔錢 五 為末糊丸梧子大每服五十九粒
 蘊湯下一日三服先便旋利如傾次乃腫潰
 喘止此藥能助真火以養真土運樞机禁慾
 絕鹽半年乃不再作

當歸散 治同前

川歸 赤芍藥 牡丹皮 白木 赤茯苓
 陳皮 檳榔 木香 桂心 木通絡料分
 脚膝頭面腫大小便不快每服二錢水一鍾
 紫蘊葉二片木瓜一片同煎八分温服日三
 服稍覺愈只早晚服二次但覺氣下小便長
 是効 臟虛去檳榔 臍凸加大腹皮猪苓
 各一两 忌鷄魚肉酸鹹之物及海味
 大半夏湯 治土不能制水水漬于腸胃溢于皮

膚瀝有聲怔忡喘息名曰水脹

橘紅 半夏 茯苓 甘草 桔梗 檳榔

等分每服五錢姜三片水煎服

赤茯苓丸 治同上

木香 五錢 苦葶歷 兩 炒 四 防已 二兩 赤茯苓 二兩

為末棗肉丸梧子大每服三十九桑皮湯下

人參葶歷丸 治一切水腫及喘滿不可當者

人參 一兩 苦葶歷 兩 炒 四

為末棗肉丸梧子大每三十九桑白皮湯下

神秘湯 治水氣上乘于肺肺得水而浮水腫不

卧卧則喘

白茯苓 木香 錢 五 桑白皮 紫蘓葉 陳皮

人參 錢 七 姜七片 水三鍾煎 鍾半 食後分五服

無礙丸 治脾病橫流四肢腫滿

木香 酢蓬木 炮 三 稜 炮 枳 榔 郁 李 仁 炮 去 皮 各 一 兩

大腹皮 二兩 為末棗芽麵糊為丸梧子大每服

三十九生薑湯吞下

香蘓散 治水氣虛腫小便赤澁

陳皮去一防已一木通一紫蘇葉各五錢

右為末每服二錢姜三片水煎食前服

小葶藶丸 治腫滿腹大四肢枯瘦小便澀濁

甜葶歷炒薺菜根研粉煉蜜丸彈子大每服一

丸陳皮湯嚼下只三九小便清數病愈

牡蠣澤瀉散 治脾胃氣虛不能約制腎水水溢

下焦腰以下腫

牡蠣炒澤瀉 蜀漆洗去腥葶藶炒瓜蒌根

白商陸根 海藻洗等分為末白湯調服方寸

七小便利止後服

踈鑿飲子 治水氣遍身浮腫喘呼氣急煩渴太

小便不利服熱藥不得者

澤瀉 赤小豆 白商陸 大腹皮 茯苓皮

羌活 椒目 木通 秦艽 檳榔等分

薑五片水煎服

大橘皮湯 治濕熱內攻腹脹水腫小便不利太

便滑泄

陳皮半一木香半二錢滑石六檳榔三茯苓一

猪苓 白朮 澤瀉 肉桂 各五 甘草 三錢

生姜五片水煎服

實脾散

厚朴 白朮 木瓜 附子 炮 木香 茯苓

大腹子 草果仁 乾姜 炮 各 甘草 錢 五

姜五片棗一枚水煎服

加味枳朮湯 治氣為痰飲所膈心下堅脹名曰

氣分○枳殼 白朮 陳皮 檳榔 桔梗

木香 桂 紫蘓梗葉 五靈脂 炒 各 半夏

茯苓 甘草 各半 姜三片水煎服

調榮散 治瘀血化為水四肢浮腫皮肉赤紋名

曰血分 細辛 莪朮 桂 赤芍 川歸

川芎 玄胡索 白芷 大腹皮 桑白皮

檳榔 藿麥穗 陳皮 赤茯苓 葶歷 炒

大黃 煨 各 甘草 灸 各半 每服五錢姜棗煎食前服

大豈湯 治風水通身腫百節痛惡風自汗眼合

不得短氣欲絕其脉浮

大豈 杏仁 去尖 煨 麻黃 防風 半 防已 猪苓

各四 澤瀉 黃芪 烏頭 炮 酪 半夏 茯苓
白朮 各五 甘遂 炒 甘艸 炙 各一 酪 每服五錢 姜七片
水二鍾 酒半鍾 煎一鍾 服以大小便利為度
如不利 加生大戟 兩 葶藶 炒 兩 香 無不利 矣
內甘遂 甘草 本相反 故用之 以成功 屢試屢
效 非泛常所可測也

澤瀉湯 治石水 四肢瘦 腹腫 不喘 其脉沉

澤瀉 洗去腥 五兩 桑白皮 六兩 射干 浸 泔水 黃芩
茯苓 白朮 各四 澤瀉 三 防已 各二

每服五錢 水三鍾 先用黑豆一合 煎至二鍾
入藥同煎 七分 空心食前服 一日三次

附子葶藶湯 治寒客皮膚 發然而堅 腹大身
腫 按之陷而不起 色不變 病名膚脹 一劑未作
大附子 生 去者 皮 臛 菘豆 二兩 生姜 切 兩

水二鍾 煎一鍾 分三服 空心早晚各一服

葶藶防已丸 治面目浮腫 肺氣喘咳 不安 刺使
防已 一兩 木通 葶藶 杏仁 麩 煨 尖 貝母 各
一兩 右為末 棗肉 丸 梧子 大 每服五十丸 食遠服

桑白皮煎湯送下

酒腫丸

治酒腫及脾虛發腫

蘿蔔十枚 皂角五枚 二味用水煮乾去皂角將

蘿蔔搗爛蒸餅糊為丸 艾實大蘿蔔煎湯如

意送下

犀角湯

治結陽疔四肢腫滿熱菟不散或注毒

犀角 玄參 連翹 柴胡 各五升 麻 木通

各一沉香 射干 甘草 灸各芒硝 三錢

交門冬 三錢 分二服 水煎

消腫湯

治水腫喘滿大小便不利

白木

山梔 各五錢 赤茯苓 蘿蔔子 各三錢 葶藶

椒目

蘓子 各一錢 沉香 各五錢 木香 五分 水煎服

又方

繼前服 已上二方神效

葶藶

二錢 椒目一錢 猪苓半錢 澤瀉八分

葱白三根 水煎 吞牽牛末為丸 則大小便俱通

二奇方

白木 五錢 滑石 三錢 水煎服 七服全愈

白茯苓湯

治水腫 開鬼門 潔淨府 机要方

白茯苓

澤瀉

郁李仁

水煎服

入生姜自然汁服，或作粥飯，或和麩作糲食之，五七日後俟脹下，乃與白朮散。

又方：大田螺、大蒜、生車前草，和研為膏，作大餅敷于臍上，少頃水從小便出，數日愈。

病機：白朮散，服前白茯苓湯，利後以此補之。

白朮 澤瀉 五為末，以茯苓三錢煎湯調下。

或丸服亦可，每三十九丸，從少至多，後以黃芪建中湯之類調補。

○張滿門 一名鼓脹

內經曰：諸濕腫滿皆屬於脾。蓋言脾虛不能運化，此脹滿之所由生也。

又曰：濁氣在上則生臌脹。此清濁相干而為脹也，其中亦有寒熱之分也。

靈樞曰：脹者皆因厥氣在下，寒氣逆上，榮氣留止。

真邪相攻，兩氣相搏，合而為脹。又曰：內虛不足。

中寒濕冷，入中滿。又曰：胃中寒則脹滿。

針經云：脹取三陽。三陽者，足大陽、陽明、少陽也。

內經曰：諸腹脹大皆屬於熱。

也。此皆以脹為寒也。

丹溪曰七情內傷六淫外侵飲食不節房勞致虛
脾土受傷轉輸失職胃雖受谷不能運化故陽
自升陰自降而成天地不交之否清濁相混隧
道壅塞濕鬱為熱又生濕熱相生遂成脹
滿經曰鼓脹是也以其外雖堅滿中空無物有
似于鼓又名蠱者若虫侵食有蠱之義是以脹
滿為熱也

陽熱為邪則身體有熱脹滿而咽乾陰寒為邪則
吐不下食脹滿而自利

又有穀脹水脹氣脹血脹不可不別

失飢傷飽痞悶停酸且食暮不能食者是為穀

脾土受濕不能制水漬于腸胃而溢于肌膚

漉漉有声怔忡喘息是為水脹

七情鬱結氣道壅隔上不得降下不得升身腫

大而四肢瘦削是為氣脹

煩躁漱水迷忘驚狂痛悶嘔惡虛汗厥逆小便

多太便黑婦人尤多見之是為血脹

又有五臟六腑之脹出天樞論篇全
文在醫旨緒餘

靈樞曰心脹煩心短氣卧不安 肺脹虛滿而
喘咳 肝脹脇下滿而痛引小腹 脾脹善噦
四肢煩悅體重不能勝衣卧不安 腎脹腹滿
引背央、然腰髀痛 胃脹腹滿胃脘痛鼻聞
焦臭防于食大便難 大腸脹腸鳴而痛濯
冬自重感于寒則餐泄不化 小腸脹小腹脹
脹引腰而痛 膀胱脹少腹滿而氣癢 三焦
脹氣滿于皮膚中輕、然而不堅 膽脹者脇
下痛脹口中苦善太息

太樞有虛實之辨實者腹中常脹外堅內痛按
之不陷法當疎利 虛者時脹時減虛氣留滯
按之則濡法當以溫藥和之
又有五積久而成脹滿者有外感寒邪傳入于裏
寒爰為熱作胃實而脹滿者有痰瘕久而成脹
滿者治療之法在體認詳明按而治之可也
久病羸之變為脹滿喘息不得及腫脹而肌肉崩
潰足脛流永唇黑缺盆平臍突背平足心滿此
數者皆為五臟損敗不治之症也

陳無擇曰：脹滿皆臟氣不平，勝乘相因為病。如怒傷肝，剋脾，氣不正，必脹于胃，名曰勝剋怒乘肺，氣不傳，必脹于大腸，名曰乘剋。

丹溪戒云：醫家不察虛實，急于作効，病者苦于脹急，喜行利藥，以求通快，不知寬得一日，半日其腫愈甚，病邪深矣，真氣傷矣。

脈訣舉要曰：脹滿，脈弦，脾制于肝，洪數熱脹，遲弱陰寒，浮為虛滿，緊則中實，浮則可治，虛則危急。丹溪云：宜大補中氣，行濕，此乃脾虛之甚，必須。

音樂斷厚味，大劑人參、白朮，佐以陳皮、茯苓、蒼朮之類。有脈實堅人，壯盛者，或可攻之，便可收補。用參朮為主。凡補氣必帶厚朴，實滿以其味辛能散，其結也，須用姜汁製之。肥胖人初脹，未久，以胃苓湯服。如面白人腹脹，是氣虛，宜參朮、厚朴、陳皮。如瘦人腹脹，是熱，宜黃連、厚朴、香附、白芍。如因有故蓄血而腹脹者，宜抵當丸下死血。如因有食積而腹脹者，熱者用木香、檳榔丸，有寒者用木香、厚朴、丁香、砂

仁神麴香附 如因外寒束內熱而腹脹者用
藿香麻黃升麻乾葛桂枝 因大怒而腹脹者
宜青皮陳皮香附木香梔子仁蘆薈 實者按
之堅瀆下之次消之次補之 虛者溫之升之
補之 朝寬暮急血虛暮寬朝急氣虛終日急
氣血俱虛 腹脹不寬滿者食肉多用黃連丁
兩阿魏半兩醋浸餗餅為丸同溫中丸白朮湯
下 食肉多三補丸料內加香附半夏麴蒸餅
糊丸服

鼓脹說

生生子曰脹滿之疾穀食不消小便不利腹皮脹
急而光內空然如鼓是矣俗知謂之鼓脹不
察其致之者有由也內經曰脹取三陽三陽者
足太陽也水膀胱經曰下焦溢而為水靈蘭秘
典曰膀胱者州都之官津液藏焉氣化則能出
矣歷考三書可見小便之不利由下焦原氣虛
寒以致濕氣壅遏于膚裡膜外之間不得發越
勢必腫滿是腫滿之疾起于下元虛寒也若非

溫補下元則小便何能獨利且夫人之胃如釜
甑然釜底火旺則熱氣薰蒸甑炊易熟若徒有
水而無火則無氣上升物何由熟即此可以例
觀矣故治脹滿者先宜溫補下元使火氣盛而
濕氣蒸發胃中溫暖穀食易化則滿可寬矣夫
清氣既升則濁氣自降濁氣降則為小便也小
便利脹有不消乎語謂地氣上為雲天氣下為
雨惟此氣流行斯為雲為雨也今之醫者一遇
此疾則曰內經有言諸濕腫滿皆屬脾土土虛

則濕停濕停則滲透肌膚遍身腫滿不可不通
利也輟用利小便及補中之劑如五苓散胃苓
湯加木通車前子木腹皮滑石之類法未為爽
謬乎然顧服之愈多而小便愈少腫脹愈急何
故哉不溫補下元而徒以通利之藥施之也果
若此豈惟不効則下元益虛真氣益弱死期且
至安望其有瘳乎余嘗究心靈素參會易理憬
然有得于中且施之病者隨試輟効故筆之于
冊以公我之同志

補壯原
湯于後

治氣脹之劑

平肝飲子 專治喜怒不節肝氣不平邪乘脾胃
心腹脹滿頭暈嘔逆脉來浮弦

防風 桂心 枳殼 赤芍 桔梗炒 各一人參
甘艸 炙檳榔 當歸酒洗 川芎 陳皮銹 五

每服五六錢姜五片水煎服

紫蘇飲子 治憂思過度致傷脾胃心腹膨脹喘
促煩悶腸鳴氣走漉漉有聲大小便不利脉虛
緊而溢 方在痞門

調中順氣丸 治怒氣傷肝三焦痞滯水飲停積

脇下虛滿或時刺痛

木香 白豆仁 青皮 橘紅 三稜炮 各

半夏泡大腹子各 砂仁 檳榔 沉香銹 五

糊丸 梧子大每服三五十九陳皮湯下

木香順氣湯 治濁氣在上則生膜脹及七情

陳皮 厚朴各 四川歸五 草豆蔻去 煨木香

蒼朮米泔洗 青皮 益智仁 白茯苓 澤瀉

半夏泡 乾生姜 吳茱萸 升麻 柴胡各 二

加姜水煎服

直指橘皮湯 治七情所傷中脘不快腹脇脹滿

香附米 半夏 橘紅酪二甘草半錢

每服一兩姜五片棗二枚水煎服

四製枳殼丸 治腹脹鼓疾

陳枳殼同炒 穰四兩 分四製 一兩 用蒼朮 一兩

茴香一兩 同炒 一兩 乾漆一兩 同炒 一兩 用

去同炒藥只用枳殼為末却將蒼朮等四味

煎湯去渣打麵糊為丸梧子大每服五十九

烏藥順氣散 脹滿痞塞七情憂思所致此方如神

天烏藥 香附 沉香 砂仁 橘紅

半夏 為末每服二錢灯心湯調

寬中八寶散 治全前方

木香 歸尾 蘿蔔子 真蘘子 檳榔

砂仁錢半 沉香 牙皂錢一

共為末每服一錢或二錢黃酒調下

小水不利并水腫加苦葶子末一錢五分

蝮蛇後段炙末一錢入前方內

治寒脹之劑

大正氣湯

治脾胃虛寒外為風寒濕氣擾動心

腹脹滿

藿香 厚朴 陳皮 半夏 白木

各二檳榔

桂枝 枳殼 乾姜 炮各一分 甘草

炙五分 位二帖 姜三片 水煎服

大半夏湯

治肝氣太盛射勝于脾 鬱不行結

聚涎沫胃中脹滿其脉弦遲

半夏

桂心 兩 附子 炮 人參 甘草 炙 厚朴

川歸

茯苓 枳實 各二 川椒 炒去汗用開口 無目者八百粒

每服四五錢 姜棗煎服

沉香降氣湯

治中脘脹滿時吐脇疼每噫則竟

氣快不噫則悶漸竟面浮磨檳榔入紫蘓同煎

下神保丸 五七粒

香附 一兩 沉香 五分 砂仁 二錢 粉草 三錢

右為末每服一錢入鹽少許沸湯服

神保丸

治諸寒積脹滿急痛大便不利

木香

胡椒 一錢 全蝎 七個 巴豆 皮十粒 研去

右為末餅丸麻子大硃砂為衣每服五丸

腰脇疼痛茴香酒下餘陳皮湯下

順氣木香散 治氣不升降嘔逆惡心胸脇痞悶

脇肋脹滿及酒食所傷噎食吞酸心脾疼大便

不調及煩人血氣刺痛一切冷氣服此寬中利

氣和胃進食

丁皮 砂仁 良姜 桂心 乾姜炮 甘草炙

橘紅 厚朴 蒼朮 桔梗 茴香炒三酪

每服五七錢加姜棗水煎服

葶澄茄丸 治痞滿脹痛穀脹氣脹通用

葶澄茄 白豆蔻 砂仁 青皮 蘿蔔子

木香絡 二肉豆蔻 茴香炒 丁香 桂各半

陳皮分三 右為末麵糊丸梧子大每服三十丸

導氣丸 治諸痞塞腹脹如鼓大便秘結等症又

不腎氣小腸氣疼功效尤捷

青皮炒 胡水炒 莪木炒 檳榔同炒

胡班 胡椒同炒 三稜乾炒 吳茱萸同炒

去黑 赤芍藥川椒同炒 石菖蒲桃仁同炒 乾姜

去同炒 大附子青鹽同炒 右十味為末酒糊

為丸梧子大每服五十九加至七十九湯煎

沉香飲 治腹脹氣喘坐卧不安

沉香 木香 枳殼 鎔五 蘿蔔子炒一兩

每服五錢姜三片水煎服

木香化滯湯 破滯氣心腹滿悶

甘草炙 白檀香 藿香 陳皮 桔梗 大腹

皮 茯苓 白苴仁 絡二砂仁 人參 青皮

檳榔 木香 姜黃 白木 絡四 水煎服

縮砂飲 治氣脹氣壅等病如神

蘿蔔子研砂仁不拘多少以蘿蔔子汁浸透炒妙為細末每服一錢米飲下

四炒丸 治年高人患鼓脹獨只腹脹肢體如柴

舉動乏力 木香 檳榔各一兩

二味劉如芡實大四製同炒用蘿蔔子一兩

子不用分用香一分用乾漆一分兩炒深黃色去尚香一分用莖木一分兩炒右只留木香檳榔為末以四味同炒

藥煎湯打糊為丸菘豆大每服七八十丸米飲下

中滿分消湯 治中滿寒脹寒疝大小便不通陰

蘇文公集 卷六 四

躁足不收四肢厥冷食入反出下虛中滿腹中
寒心痞下寒沉厥奔豚

益智仁 半夏 木香 茯苓 升麻 各七錢

川烏 人參 青皮 當歸 生姜 柴胡

乾姜 黃連 葶澄茄 各五錢 黃芪 吳茱萸

草豆蔻 厚朴 各五錢 右每服一兩水煎溫服大

忌房勞濕麵生冷 一方錢有麻黃澤瀉各二

錢氏塌氣丸

胡椒 一兩 蝎梢 半兩 為細末 麩糊丸如粟米大

每服五七丸至一二十丸陳米飲下

木香塌氣丸 治單腹脹

丁香 胡椒 各二錢 蝎尾 半兩 枳實 兩 白牽牛 兩

郁李仁 四錢 木香 檳榔 各半 為末飯丸

豆大每服十九至十五丸陳皮生姜湯任下

木香散 治單腹脹

木香 青皮 白朮 姜黃 草豆蔻 各半

阿魏 葶澄茄 各一

右末醋糊丸菜豆大每服二十九生薑湯下

水煎服

又方治鼓氣

大癩蝦蟆一隻新瓦二片相合鉄線纏定盛在
丙外用鹽坭固濟慢火煨存性為末溫酒調服

治熱脹之劑

中滿分消丸 治中滿鼓脹氣脹大熱脹水脹

人參 白朮 姜黃 黃芩 黃連 半夏泡

枳實錢炒各 甘艸炙 猪苓錢各 茯苓 砂仁

乾生姜錢 厚朴錢 姜製 知母錢 澤瀉 橘紅

各錢 右研茯苓澤瀉生薑各為末餘共為末和

勻鈺餅為丸梧子大每服百丸白湯吞下

沉香交泰丸 治濁氣在上而擾清陽之氣鬱而

不伸為臌脹 沉香 白朮 橘紅各 茯苓

澤瀉 枳實錢 吳茱萸湯洗 當歸酒浸 青皮 去白

木香錢 一 大黃酒浸 厚朴姜製 湯浸鈺餅為

丸梧子大每服七八十丸白湯下微利即止

廣茂漬堅湯 治中滿腹脹內有積塊堅硬如石

令人坐卧不安大小便澀滯上氣喘促遍身腫

厚朴 黃芩 益智 草豆蔻 當歸各 五 吳

六卷

六卷

四

茱萸 紅花洗酒升麻 廣茂錢各二甘草 紫胡

澤瀉 神曲炒陳皮 青皮錢各三黃連錢六半夏

鉞每服七錢姜三片水煎服 渴者加葛根錢四

鷄屎醴飲 治鼓脹旦食暮不能食痞滿壅塞

雄鷄屎臘一月兩取晒川芎一兩 二味各為極細末

和勻麵糊丸梧子大每服五十九丸温酒下

又方 加大黃一兩每服二錢姜湯下

推氣丸 治三焦痞塞氣不能降胸脇脹滿大便

秘小便赤 陳皮 檳榔 枳實 黃芩

大黃 黑丑分生等 為末蜜丸梧子大每服五

七十九丸臨睡白湯下

大異香散 治穀脹失飢傷飽痞悶停酸早食暮

不能食 陳皮 青皮 京三稜 莪朮 益

智仁 香附子 藿香 半夏曲 桔梗各五錢

枳殼錢五甘草分三每服五六錢姜棗煎服

木香分氣丸 善治脾胃不和心腹脹滿兩脇膨

脘胸膈注滿痰嗽喘急刺心乾嘔咽喉不利飲

食不化並皆治之亦治穀脹

木香 檳榔 青皮 莪木煨 當歸 姜黃

白朮 枳殼燻 橘紅 肉果 乾生姜 玄胡

索 京三稜煨 赤茯苓 秋冬加丁香炒

各等分為末 麩糊丸 小豆大 每服三五十九

生姜湯下 忌生冷茄子馬齒莧

補下元之劑

壯原湯 治下焦虛寒中滿腫脹小水不利上氣

喘急陰囊兩腿皆腫或面有浮氣

人參 白朮各二錢 茯苓各一錢 破故紙各一錢 桂心

大附子 乾姜 砂仁各五分 陳皮七分

水煎食遠服 有痰加半夏錢 喉中痰聲

加桑白皮錢 咳嗽亦加 脚趺面腫加薏苡

仁錢 中氣不轉運不知餓加厚朴木香

氣鬱不舒加沉香烏藥臨服磨入 氣虛甚

者人參加作五錢大附子加作一錢半 汗

多者再加桂枝五分白芍藥酒炒過八分

若夏月喘乏無力或汗多者加麥門冬一錢

五味子十一粒 夜夢不安者加遠志一錢

兩脇氣硬加白芥子八分若面浮腫脇下氣
硬加白芥子紫蘘子五分若身重不能轉
動加蒼朮一錢澤瀉七分濕盛加桑白皮
赤小菴

治血脹之劑

人參芎歸湯 治小便多大便黑痛悶喘惡
當歸 半夏分三川芎兩一莪木煨甘草炙木香
砂仁 烏藥各五人參 桂 五靈脂炒各
每服三五錢紫蘘葉四片姜五片棗一枚水煎服

一方 治血鼓腹脹如盆

三稜煨莪木 乾漆炒烟牛膝去芦蜜虫糯米
琥珀 肉桂 礞石炒赤水蛭炒赤大黃各等
為末用生地黄自然汁和米醋調勻為丸梧
子大每服十九空心温酒下童便下亦可
雞屎醴散 治旦食暮不能食血脹痞滿

大黃 桃仁去皮乾雞屎醴等分
為末每服一錢生姜三片煎調食後臨睡服
治積塊不消發為脹滿之劑

治五蠱脹丸 忌鹽四十日

官桂 歸尾 檳榔 橘紅 枳壳炒 莪木炒

三稜炒 大黃酒煮 青皮 黑丑君 白商陸君

芫花君 大戟 甘遂去心 包煮 赤小豆 椒目

木香 砂仁 乾漆炒烟 盡君 枳實炒 醋糊為丸

梧子大 初服三日 每服九十九丸 過三日服八

九十九丸 又過三日服七十九丸 每用葱七根煎

湯送下 空心服 以行四五次為度 行後以温

粥補之 不行而吐者 亦妙 次用補法

補方 青皮 桔梗 莪木 三稜 枳實

枳壳 木香 砂仁 茯苓 檳榔 陳皮

芍藥 細辛 歸尾 人參 香附等分 每服

四五錢 水煎服 須要過四五十日後方許食

食鹽用藥法

鯽魚去腸 將五苓散末入魚腹中 焙乾為末 白

湯調服 方許食鹽 已上三方 乃一宗 方極

峻利 非積固體厚者 未敢謾試姑錄此以

温白丸 治心腹積聚 心下堅結 大如杯碗 傍攻

兩脇心痛食不消化

桔梗 柴胡 菖蒲 紫苑 黃連 乾姜

桂皮 茯苓 川椒 吳茱萸 巴豆去皮心

炒人參 厚朴錢五 川烏炮二兩 皂莢去皮子

右為末入巴霜和勻煉蜜為丸梧子大每服

卅丸紫蘇湯下取積滯如魚腦爛綿而安

小檳榔丸 治脾虛腹脹不進飲食快氣寬中

蘿蔔子炒 檳榔煨 黑丑炒 木香各五錢

為末麵糊丸梧子大每服三四十九丸姜湯下

治蠱脹將愈內有痞塊用此消之

青皮 枳壳 三稜 莪朮 蒼朮 厚朴

桂皮 香附各 砂仁 草果 針砂 白芷各五錢

錢烏藥 乾漆 乾姜各一兩 歸尾半兩 檳榔兩

木香二錢 阿魏錢二 一方有錄礬一斤 陳皮兩一

為末棗肉丸梧子大每空心好酒吞下五十 丸漸加至二十錢

治脾虛之劑

強中湯 治咳生冷過飲寒凝有傷脾胃遂成腹

脹心下痞滿有妨飲食甚則腹痛

乾姜炮 白朮略二 青皮 白朮 人參 丁香各三 草
 果仁 附子皮沱夫 厚朴姜製 甘草錢五
 每服四五錢 姜棗煎服 嘔者加半夏
 如食麵脹滿加蘿蔔子錢五
 溫胃湯 治憂思鬱結 脾肺氣凝 大腸與胃氣不
 平 脹滿 沖咳 食不得下 脉虛而緊 瀉 附子炮
 歸尾 厚朴 生人參 陳皮 白芍 甘草各錢
 一兩 乾姜錢二 川椒半錢 每服五六錢 水煎服
 草荳蔻湯 治腹中虛脹

澤瀉分一 木香分三 神曲分四 半夏 枳實 益智
 草豆蔻 黃芪春腹不用 甘草各錢五 青皮 陳皮各六
 分茯苓 當歸各錢十
 生姜三片 水煎服 冬再加黃芪分五
 通氣生姜丸 治三焦虛脹
 人參 茯苓 神曲炒 麥芽炒 官桂 歸尾
 陳皮炒 半夏洗 生薑去 厚朴切
 右為末 以生薑汁煮 麴糊為丸 梧子大 每服
 三十九 空心 食前 米飲下

治脹而喘嗽之劑

定喘葶藶丸 治鼓脹喘嗽

葶藶 木香 貝母 等分

為末 餅糊丸 梧子大 硃砂為衣 煎桑白皮湯下 或即以四味為末 仍以桑白皮湯下 妙

附雜方

敷桑 治腹硬如石或陰囊腫大 先用熟水嚥甘

草後以藥敷臍上 大戟 芫花 甘遂

海藻 各等 為末 醋調塗 或用白麵調藥敷臍上

慰法 治腹脹如鼓 澁如木皮樣

杜烏藥 荊芥 蒼木 茵草 山茵陳 二

蚕沙 松毛 橘葉 椒目 烏頭 赤豆

樹葉 各等分 作二次炒熟 以布袋盛

慰之 冷又炒慰 三四十度 或復用煎水薰洗

或服神保丸 微溏泄其氣

獨聖散 治脾胃不足 過食生冷 心腹脹

鹽 五合 以水一升 煎化 頓服 自然吐即定

食麵多 腹中飽脹 以熱酒和生薑汁飲一二盃 消

桂香丸 治大人小兒過食雜菓腹脹氣急

肉桂不覘射香一分研 為末飯丸菜豆大小

兒七九大人十五丸白湯下二三服神效

西來方 治腹中積塊作脹作痛大小便不利

硃砂二錢 苦葶藶子 海金沙鎔三乳香一分

沒藥 牙皂各錢 檳榔 陳皮 三稜鎔二莪

朮二錢 木香錢 共為末每服五分滾水調下

○五蠱

生生子曰按鼓症內經靈樞水脹篇只有水與膚

脹鼓脹腸覃石瘕石水六者又脹論篇載五臟

六腑皆有脹狀甚著後代諸書論脹鮮有發明

予在吳下時有同志友吳生諱震號九宜者博

雅君子也每與予討論多善予一日偶談及鼓

脹乃詰予曰鼓有虫否乎予卒不敢應俛思久

之對曰或有之當以疑辭對者蓋以目未見而

書無考也按許學士本事方云臍腹四肢悉腫

者為水但只腹脹而四肢不甚腫者為蠱註謂

蠱即鼓脹也由是參之古人曾以蠱鼓同名矣

赤水玄珠 卷之六 五
且蠱以三虫為首豈無音哉愚謂鼓脹即今云
氣虛中滿是也以其外堅中空腹皮細急有似
于鼓故以鼓脹名也彼蠱症者中實有物積聚
已久濕熱生虫理或有之吳生曰子質何其敏
也予堂嫂病鼓三載腹大如箕時或脹痛四肢
瘦削三吳名劑歷嘗不瘳吳俗死者多用火焚
燒至腹忽响聲如炮人皆駭然乃見虫從腹中
炮出高二三丈許燒所之天為昏俄而墜地細
視之皆蛔也不下千萬數大者長尺餘虫腹中

復生小虫多者十五六條或十數條或五六條
虫在入腹中蓄息若此曷不令人脹哉區之藥
劑豈易瘳哉顧蠱以多虫為首于義始見許之
以蠱名鼓者旨可徵矣惜乎諸書未有言及子
既為後人立言幸釋數方以備後之治鼓疾者
知有此蠱字義也予聞之恍然如夢始覺然猶
未親見其異也歲萬曆癸巳赴督漕理刑吳比
部之召而至淮陰有王鄉宦者其子年十六新
娶後腹脹大按之有塊形如稍瓜四肢瘦削發

熱晝夜不退已年半年矣族醫惟以退熱消脹之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹則疼又多嗜肥甘余思諸凡腹疼者唇色淡不嗜飲食今若此得非虫乎投以阿魏積塊丸服之果下虫數十大者二一紅一黑長尺餘虫身紅線自首貫尾虫腹中有虫大者數條小者亦三四條虫下則熱漸減脹漸消三下而愈此余所親治者益信前聞之不虛也世之奇症書所未載者

大率類此胡可以未聞未見者而輕議之也余因紀其聞見整其方于鼓症之末

○治虫蠱之劑

八毒赤丸 治男婦染着神鬼謂之鬼痒病服之

甚効治虫積蠱脹如神 雄黃 礞石 硃砂

研牡丹皮 附子 炮藜芦 巴豆 酪 蜈蚣 条

右為末煉蜜丸如小葶大每服五七丸至十

丸冷水送下無時昔有副使許可道至稚州

請醫看脉乍大乍小短氣血不均邪

赤水方
氣傷正本官說去路至邯鄲驛中夜夢一婦人著青衣不見面用手于脇下打了一拳遂一點痛律來不正寒熱不食乃鬼驚也可服八毒赤丸本官言讀名醫錄中看李子豫八毒赤丸為殺鬼杖子遂與藥三粒臨卧服明旦下清水二斗立効製藥時宜志誠齋戒

紫金丹 治虫蠱并虫積

大黃 檳榔 酪 蒼朮 貫仲 牙皂 香附 酪三 三稜 雷丸 黑丑 酪二 史君子 半 白

蕪夷 苦練 根皮各二兩半 右為末每服三錢五更時沙糖湯調服至天明下虫積不問黃腫鼓脹心痛一服即効 小兒減半看大小輕重

又方 治全

黑丑 五灵脂 好酒煮 栝柳 酪 玉 大黃 兩 阿魏 錢二 桃仁 去皮尖研如泥不拘分兩但可丸為率 右為末以桃仁膏為丸梧子大每服二錢白湯送下

積塊丸

治癥瘕積聚癖塊一應難消難化腹中飽脹或
虫積痰痛皆能取效若神不傷元氣

京三稜

莪木醋煨

自然銅

蛇含石

燒各

紅醋淬七

雄黃

蜈蚣全用焙燥各

辰砂分

次二錢

木香半錢

鐵華粉用糯米醋

芦會

天竺黃

阿魏

全蝎洗全用焙

沉香分

冰片分

右為極細末用雄猪胆汁煉為丸黑狗胆汁

尤妙丸如梧桐子大或服七八分重者一錢

五更酒送下塊消即止不必盡劑

痞氣門

內經曰太陰所至為積飲痞隔

痞者心下痞滿而不能食也

仲景云滿而不痛為痞滿而痛為結胸

劉河間曰痞與否同不通泰也謂精神營衛血氣

津液出入流行之紋理閉密而為痞也

東垣曰脾無積血不痞夫痞者心下滿而不痛是

也太陰者濕土也主壅塞乃土來心下為痞滿

也傷寒下太早亦為痞乃因寒傷其營者血

也心主血邪入于本故為心下痞悶仲景立瀉
 心湯數方皆用黃連以瀉心下之土邪其効如
 响應釋故活人書云審知是痞先用桔梗枳殼
 湯非以此專治痞也蓋因先從錯下必成痞症
 是邪氣將陷而欲過胸中故先用截散其邪氣
 使不致于痞先之丁字早用之義也若已成痞
 而用之則失之晚矣不惟不能消痞而反損胸
 中之正氣則當以仲景痞藥治之經云察其邪
 氣所在而調治之正謂此也非止傷寒如此至

于酒積雜病下之大過亦作痞蓋下多亡陰亡
 陰者謂脾胃水穀之陰亡也故胸中之氣因虛
 下陷于心之分野故至心下痞宜升胃氣以血
 藥兼之若全用氣藥導之則其痞益甚甚而復
 下之氣愈下降必變為中滿鼓脹皆非其治也
 又有虛實之殊如實痞大便閉者厚朴枳實湯
 主之虛痞大便利者白芍陳皮湯主之如飲食
 所傷痞悶者當消導之去其胸中窒塞上逆不
 兀欲吐者則吐之所謂在上者因而越之是也

王海藏曰治痞獨益中州脾土以血藥兼之其法無以加矣

傷寒痞者從血中來雜病痞者亦從血中來雖俱為血症太抵傷寒之症從外至內從有形至無形故無形氣症以苦泄之有形血症以辛甘散之中滿者勿食甘不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也

綱目云無形氣症以苦泄之者根實黃連之類是

也有形血症以辛甘散之者仲景人參湯是也

劉宗厚曰痞之為病由陰伏陽蓄氣血不運而成處心下位中央臍滿痞塞皆土之病也與脹滿有輕重之分痞則內覺痞悶而外無脹急之形脹滿則外有形也前人所論皆指悞下而致之亦有不因悞下而然者如中氣虛弱不能運化精微則為痞飲食痰積不能施化則為痞濕熱太盛土乘心下則為痞既痞與濕同治惟上下分消其氣如果有內實之症庶可畧與疎導也

人痞塞喜行利藥以求速效暫時通快痞若再作益以滋甚是不察夫下多亡陰之意也
統旨曰痞有虛實之殊而又有濕有熱有痰有鬱有風寒不消有脾胃虛弱有飲食過傷者當求所因而分治之如實痞大便閉以黃連枳實厚朴苦以泄之虛痞大便利以為藥陳皮酸以收之濕者四肢困重小便短少宜蒼朮茯苓半夏滑石澤瀉以滲之鬱者則流滯不通食難消化宜撫芎香附蒼朮枳實以開之熱則煩渴溺赤

用黃連黃芩葛根升麻以發之便結者即而利之痰則胸中窒塞用半夏瓜蒌枳實黃連以豁之欲吐者因而越之飲食後因冒風不消而痞宜吳茱萸砂仁草豆蔻藿香溫以化之脾胃弱而轉運不調為痞宜四君子湯等甘以補之飲食過傷則腹飽噯氣而致痞塞者又當以青皮枳實厚朴山楂麩蘗以消導之至于痰挾血成窠囊而痞者用桃仁紅花香附大黃之類若脉右關多弦弦而遲者必心下堅以肝木剋脾也

示水... 卷... 六

鬱結涎閉于臟腑氣不舒則痞木香順氣湯
下多則亡陰而痞者四物加參苓白朮升麻柴
胡少佐以陳皮枳殼監制或大病後元氣未復
而痞補中益氣湯加陳皮凡此痞滿不可執全
在活法詳脉證虛實而治之也

劉河間曰三陰三陽之標本治各不同有用寒藥
而為熱痞大黃黃連之類也有用寒熱藥者陰
與陽不和而痞大黃黃連加附子之類也有用
辛熱藥多而寒藥少者陰盛陽虛而痞半夏生

薑甘草瀉心三方之類瀉心湯者非瀉心火之
熱乃瀉心下之痞也通而論之其藥陽多而陰
少蓋病發于陰而得之有大黃黃連瀉心湯獨
為陰心下痞而脉疾一証桂枝後用從太陽浮
弱所變餘皆陰陽雜用

直格云傷寒裏之陰分已受熱邪是病發于陰也
或熱微而下証未全誤下之早則裏熱除去表
熱乘虛入裡而作痞也故仲景攻痞多用大黃
黃連黃芩寒藥爾後或加附子乾姜之類者是

以辛熱佐其寒藥欲令開發痞之佛熱結滯也
 非攻寒耳劉宗厚曰河間論瀉心湯分陰陽寒熱多少而用
 劉宗厚曰河間論瀉心湯分陰陽寒熱多少而用
 藥可謂詳切矣而此論則專主於熱二者似乎
 不同要之各有所當蓋直格是言其受病之本
 河間是論其用藥之標若以為痞有陰寒之症
 耶則仲景瀉心五方何皆用黃芩黃連之藥若
 以為痞無陰陽之異耶何瀉心湯又有兼用附
 子乾姜半夏生姜之類者也一言其本標而言其

○治熱之劑

仲景大黃、連瀉心湯 治心下痞按之濡其脈

閉上浮或寸沉關浮而有熱者

大黃二兩 黃連一兩

右剉以麻沸湯漬之須臾絞去渣分溫再服

劉宗厚云此少陰經藥也出陽明例成無已云大黃、連瀉心下之虛熱以麻沸湯漬服者取其氣薄而泄虛熱也又按伊尹湯液論大黃、連黃芩湯共三味今監本無黃芩脫落之也又保命集無黃芩加甘草乙兩

○散寒瀉熱之劑

仲景附子瀉心湯 治心下痞而復惡寒汗出

沉遲也

大黃二兩 黃連二兩 黃芩二兩 附子一枚 炮 去皮

右剉以麻沸湯浸之須臾絞去渣內附子汁

分溫再服

半夏瀉心湯 治汗下後身寒痞滿而嘔飲食不

下脉微按之不痛非柴胡症

半夏半升 黃芩 乾姜 人參各三兩 黃連一兩

大棗十二枚 甘草二兩

右七味以水一斗煮取六升去渣再煮取三升溫分三次服

生姜瀉心湯 治汗下後胃中不和乾噎食臭自

利腸鳴脇下有水氣而心下痞滿

即半夏瀉心湯加生姜四兩乾姜二兩

甘草瀉心湯 治下之後腹中雷鳴心下痞硬再

下之痞益甚此非結熱以胃中虛客氣上逆也

即半夏瀉心湯去人參甘草加作四兩

劉宗厚云以上諸瀉心湯元戎云手少陰藥以

大黃為上下通經之劑安得不例賜明乎

秘藏大消痞丸 治一切心下痞悶及積年久不

愈者 黃連炒 黃芩各六錢 姜黃 白朮各一

甘草灸 砂仁 乾生姜 神麴炒 人參各二錢

枳實炒 五橘紅二錢 澤瀉三錢 厚朴製 猪苓半錢

半夏四錢 右為末 餅糊為丸 梧桐子大 每五

十丸 漸加至百丸 白湯送下

枳實消痞丸 治右關脈浮弦 心下虛痞 惡食 懶

倦 閉胃 進食

枳實 黃連各五錢 乾生姜二錢 厚朴製 人參

白朮 半夏麴 甘草灸 茯苓錢 大麥麴 錢

右為末 餅糊丸 梧桐子大 每服五六十丸

白湯送下 扶苓治全

劉宗厚云以上二方並半夏瀉心湯加減法也 內有枳實湯四君子五苓平胃等利濕消痞補虛之藥也

○ 溫中散飲之劑

枳實理中丸 治中脘痞滯 氣不宣通 積寒停飲

食不消化

人參 乾姜炮 白朮 枳實 甘草炙各一兩

右為末煉蜜丸如鷄子黃大每服一九細嚼

白湯下或沸湯化下活人書有茯苓

理氣之劑

活人桔梗枳殼湯 治傷寒痞氣胸滿欲絕此下

桔梗 枳殼去穰炒 右剉水煎分作二服

此湯無不驗也綠枳壳行氣下膈故劫海藏云活人用此非治痞也審知錯下必成痞耳氣將陷于胸中故先用此使不致守痞也其已成痞復而用之則失之晚而留中預早之意也

宣明檳榔散 治傷寒陰証下後成痞滿而不痛

按之虛軟 檳榔 枳殼等分

為末每服三錢煎黃連湯調下

寶鑑三脫痞氣丸 治三焦痞滯水飲停積脇下

虛滿 木香 白豆仁 青皮炒 京三稜炮

半夏 橘紅 檳榔 砂仁 沉香各五錢

大腹皮而為末麩糊丸梧桐子大每服五六

十九丸食後陳皮湯送下

東垣木香消痞丸 治因憂思氣結中脘腹皮厚

微痛心下痞滿不思飲食

木香錢紅花 乾姜錢五 柴胡錢四 橘紅錢三 當歸

尾錢半夏 甘草錢各

為末餅糊丸菽豆大 白湯送下七八十九

七氣湯 治憂思鬱結心腹悶方見氣門

兼治濕熱之劑

東垣黃連消痞丸 治心下痞滿壅塞不散煩熱

喘促不寧

黃連 黃芩 澤瀉各一 枳實少 半夏錢七 乾

姜錢白朮 茯苓 甘草錢各 姜黃錢 猪苓

右為末餅糊為丸 梧桐子大 每服五七十

丸食前白湯下

蘓橘飲 治氣壅發虛浮腫甚效

陳紫蘓葉十四 全陳皮 二片 砂仁 六枚 甘草 六寸

生姜 十片 棗 五個

右水煎服

紫蘓飲子 治憂思傷脾心腹膨脹喘促胸滿腸

鳴氣走瀉少有聲大小便不利脉虛緊而瀼

蘓子一兩 木通 半夏 厚朴 木香 草果
陳皮 枳實 人參 白朮 粉草 大腹皮

錢各五 每服五錢姜棗煎服

陳橘皮散 治腹內諸痞脹

橘紅 紫蘓 大腹皮略乙 漢防已 鈿木香錢五

檳榔 木通 赤茯苓各三

每服五錢加姜煎服

○雜治
東垣木香消痞湯 治因憂氣鬱結中脘腹皮急

微疼心下痞滿不思飲食亦不化常覺痞悶

柴胡 木香各七分 半夏 生姜 枳實各乙

陳皮八分 甘草五分 歸尾錢二 草豆仁錢一 紅花少許

水煎食前熱服忌酒麪葷物

王海藏云少陰下痢面赤心下痞瀉心湯加減例

易老單用黃連瀉心湯用錢氏法後隨証加減

煩者加山梔 躁者加香豉 嘔加半夏 滿

加枳實厚朴 腹疼加芍藥 脈遲加附子

下焦寒加乾姜 大便硬加大黃 如用姜附

赤水珠 六卷
先煎令熟使熱不僭後加黃連同用

○內傷之劑

枳木丸 治痞消食強胃

枳實去穰麩炒 白木兩 為末以荷葉裹燒

為丸梧桐子大每服五七十九

橘紅枳木丸 治老而元氣虛弱飲食不消臟腑

不調心下痞悶 前方加橘紅一兩

古庵橘連枳木丸 補脾和胃瀉火消痰

即前方再加姜炒黃連一兩

○平補之劑

平補枳木丸 調中補氣血消痞清熱

白木兩 白芍酒炒一兩 陳皮 枳實去穰 黃連姜

炒各一兩 人參 木香各五錢 右為末荷葉打米糊

丸梧桐子大每服六七十丸米飲下

古庵云白木補脾氣為君白芍藥補脾血為臣陳皮以和胃枳實消痞黃連清熱為佐人參以補元氣木香以調諸氣為使如此平補氣血均去痰火兼通氣道則病邪日消而脾胃壯矣

丹溪云心下痞須用枳實黃連以此亦是苦

○攻補兼施之劑

東垣黃芪補中湯 脾虛不能滲濕內痞外浮

人參 黃芪 甘草 白朮 蒼朮 陳皮 各

分 茯苓 猪苓 澤瀉 各三

水煎溫服送下大消痞丸

補中益氣湯 治中氣虛心下痞

脈緩有痰而痞加半夏黃連 脈弦四肢滿閉

便難心下痞加柴胡黃連甘草 大便秘燥加

黃連桃仁少加大黃歸身 心下痞悶者加白

芍藥黃連 心下痞腹脹加五味子白芍藥砂

仁 天寒月加乾姜或肉桂 心下痞中寒者

加附子黃連 心下痞嘔逆者加黃連生薑陳

皮假如冬月再加黃連入丁香藿香葉 能食

而心下痞加黃連五分枳實三錢 如不食心

下痞者勿加止照本方服之 食已而心下痞

別服橘皮枳朮丸

○治痰之劑

濟生瓜蒌實丸 治胸膈痞痛徹背脇脹喘急

瓜蒌實研枳實去穢半夏各等桔梗分

為末姜汁打糊為丸梧子大每服五七十九

食後淡姜湯下

按此方瓜蒌以潤肺降痰枳殼破滯氣半夏
急痰燥濕桔梗開膈載藥可謂善治痞悶喘
急矣然痰因火動者加黃連尤
妙蓋黃連佐枳殼消痞甚速

大宮詹少溪吳馭閱校

終

